

Apënëtal and odënaŵ epëxw aŋ (Matewo 25.1-13)

Yesu, ga ĥata ko er baxo rend in, ŝom ko: « Owun or gër orën ol er wëndërëk gë endey end odënaŵ obeja epëxw od ebax eŋo kaca ŝambenjar ir bax yërënd fo. Odënaŵ oko er hi bani oco opënrëx do oco od ŝëdfëta babi. And bani ye gër ekaca aŋ, odënaŵ opënrëx ok wëd këni ofambo odebën ok penarëx ogu ond këni baŝëd oŋ. Barikan odënaŵ od ŝëdfëta babi ok wëlali këni gë ofambo odebën ok ogu oŋ në ocëlakuŋ. Ga wëdfeliw këŋo icën in, raŝëra këbi abat abat bën dek.

Emëd ekarëk el, xeŷ ko ala: « Icën in në eŋatu exo! Icën in, në eŋatu exo! Marayin eno kaca! » Aŋo nëngëtara këni dek odënaŵ ok. Xanira këni ala kala exo nëkon lambo irexëm in. Ata odënaŵ opënrëx ok xara kënebi od ŝëdfëta babi ok: « Cetinëbo wa tëkër ogu ondwën oŋ, në edomi ex ofambo odebi ok. » Yaka kënebi: « Ali abo gina gwac! Yeyin en yëcu gër bëfan. » And ye këni aŋ, ĥatu ko icën in, odënaŵ od wël bax ok lilëx këni gë mëŋ gër aciŵ and ofëna do kwël ŝoke këni ebët el.

Ga nëkanak, odënañ od ye bax eni yëcu ogu ok, ãhatu këni do këni wacënd gër ebët: « Axwën, Axwën, përetënëlēbo! » Bari šambenjar ir bax yërënd in yakaw këbi lëf: « Dal in këmun felënd, wëno amun nange na. » Ata ga ãhata ko Yesu apënëtal aŋo, re ko bëte: « Mëŋ ex, wën bëte titinayin gayikako an nange na akey aŋ do gë apëxëd and këme bakaw aŋ. »